

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De prouidentia quam pro Schythis habuerat, & quo pacto Marcionistas  
insectatus fuerat. Capvt XXXI.

**urn:nbn:de:hbz:466:1-12704**

*Defanis Idolorum in Phœnicia ab eo deiectis.*

CAPVT XXX.

**P**Orro cū certior factus esset, Phœnicia etiamnū ad nefaria dæmonum mysteria celebranda cæco furore ferri, monachos diuino pietatis studio inflammatos, in vnū cogit. Eosque cum edictis imperatoriis ad simulachrorū fana demolienda mittit. Opificibus autem & eorum ministris, qui ista deturbarent, mercedē non ex imperatoris prop̄ sit ærario, sed fœminas cum diuitijs circumfluentes, tū fide præclarè instructas induxit, vti sumptus in eam rem ( docuit nāq; quanta laus ex tali largitione colligi soleat ) affatim & liberaliter suppeditarent. Itaque reliqua dæmonū delubra hoc pacto solo æquanda curauit.

*De Gotthorum ecclesia.* CAP. XXX.

**C**Vm videret præterea gentem Scyticam doctrinæ Arianæ laqueis irretitam teneri, molitus est sedulō inde eam eripere: ad quam predam capiendam hanc viā ex cogitauit. Complures, qui eadem lingua loquebantur, presbyteros, diaconos, & lectors ordinauit, illisque vnā tribuit ecclesiam: quorum opera multos errore lapsos, ecclesiæ reconciliauit. Nam ille ipse plerunque ad eam ecclesiā profectus, cum illis locutus est, interprete vtriusque linguæ perito usus: aliosque dicendi facultate instructos, ad idem ipsum faciendum induxit. Ista quidem in vrbe illa præstitit, cōpluresque errore imbutos, veritate doctrinæ apostolicæ explanata, ad viam salutis reduxit.

*De prouidentia quam pro Schythis habuerat, &  
quo pacto Marcionistas insectatus fuerat.*

CAPVT XXXI.

**I**Temque cum accepisset Schythas, qui Nomadæ vocantur, quique propter Istrum accolabant, sifienter quidem salutem appetere, sed habere neminem, qui sicut suam salutaris doctrinæ fluentis restinguueret, viros laborū

Q2 4 apostolico-

## THEODOR. HISTOR.

apostolicorum imitatores conquisiuit, eosque illis erudientibus præfecit, literas autem eius ad Leontium episcopum Ançyræ perscriptas, quibus tum Scythes ad fidem cōuersos esse significabat, tum orabat, ut viros idoneos ad rectam salutis viam illis monstrandam mitteret, ipse equidem perlegi. Porro autem ubi intellexit pestiferam Marcionis hæresin nonnullos in nostra regiōe pagos occupasse, scripsit ad eū, qui id temporis episcopus illius ecclesiæ fuit, hortatus, ut hæresim illam inde expelleret: atque quod ei in eo negocio exequendo adiumento esset, edicta imperatoris ad illum mittenda curauit. Sed de ecclesiis, more Diui Pauli apostoli, quam animo sollicito esset, ex his rebus gestis satis constare poterit.

*De Gainæ postulatione, & Ioannis Chrysostomi  
responsione. CAP. XXXII.*

**S**Vntautem alia ipsius facta, quæ eius loquendi libertatem perspicueclarare queat. Exempli gratia: Gainas quidam genere Schyta, animo barbaro, insolentia planè tyrannica per id temporis dux fuit, & non modò exercitiū ex sua gente collecto, verum etiam vna, Romanis tum equestribus, tum pedestribus copiis præfuit. Quem quidem non solum alii omnes, sed etiam imperator ipse (quippe eū tyrannidem moliri suspicabatur) magnopere extimuit. Iste labefaspersus Arriana, postulat ab imperatore vnum ex scris templis sibi dari. Imperator autem respondet se de ea re capturum consilium, & vnum ei curaturum promittit. Itaque diuino illo Ioanne accersito, ei postulatum Gainæ exponit, commemorat eius potentiam, moliri tyrannidem indicat, orat, ut templo donato furetem eius animum placet. Cui nobilis ille vir, ne, inquit, istud ei polliceare, neque sanctum dare canibus mandes. Nam nunquam equidem patiar, ut qui deum verbum sancte & auguste laudibus & hymnis celebrant, expellantur è sacro templo, idemque tribuantur his, qui contra eum loquuntur blasphemias. Atque ne barbarum illum omnino metuas, imperator, sed me & illum in vnum locum conuoca, tuque silentio triusq; nostrū sermonia ausculta. Ego certe me hominis linguam refrenaturū spero